

# Vuk'uzenzele



Produced by Government Communications (GCIS)

English/Tshivenda

| Shundunthule 2018 Khandiso 1

## Land claim reaps rewards

**A KWAZULU-NATAL (KZN)** community will soon be enjoying the rewards of a successful land claim that they have turned into a private game reserve.



■ The Mayibuye Game Reserve has already created jobs and will ensure that the wildlife economy thrives.

**Hlengiwe Ngobese**

The first black-owned private game reserve is on the cards for KZN, thanks

to a R15 million government investment to the Mayibuye Community Trust.

The word mayibuye, which means to return in isiZulu, is also the name of the 5

581-hectare Mayibuye Game Reserve which is located between Pietermaritzburg and Durban.

The land being returned to the community was taken via forced removals in 1963,

which saw 445 people lose their homes.

Chairperson of the reserve, Welcome Maphanga said the community was relocated to

● **Cont. page 1**



**Science powers education**

Page 7



**Youth say YES to employment**

Page 8



**ALSO AVAILABLE ON:**



@VukuzenzeleNews

f Vuk'uzenzele

Websites: [www.gcis.gov.za](http://www.gcis.gov.za)

[www.vukuzenzele.gov.za](http://www.vukuzenzele.gov.za)

E-mail: [vukuzenzele@gcis.gov.za](mailto:vukuzenzele@gcis.gov.za)

Tel: (+27) 12 473 0353

**Free Copy**

*“There can be no greater gift than that of giving one’s time and energy to help others without expecting anything in return.”*

Nelson Mandela



# Vhaswa vho Tanganedza Mbekanyamushumo ya YES

**VHURANGELI HA MUVHUSO** vhu sedzaho kha u netshedza vhaswa vha sa shumi vha milioni nthihi tshenzhemo dza mushumo u badelaho.

**M**asego Temane u takalela u vha a tshi khou wana tshenzhemo, i elanaho na Dipuloma yawe ya Ndangulo ya Vhashumi, sa mudzheneli wa Tshumelo ya u Tholwa ha Vhaswa (YES).

YES, ye ya rwelwa țari zweenzwino nga Muphuresidennde Vho Cyril Ramaphosa, yo sedza kha u dzudzanya vhaswa kha zwa mushumo na u vha netshe-



■ Masego Temane ane o takalela u vha tshipiđa tsha vhaswa vhane vha kha mbekanyamushumo ya YES.

dza vhukoni ha zwa thekhiniki vhu țođeaho u tikedza mveledziso ya ndowetshumo ya ikonomi kha shango.

Temane o țalutshedza uri nga murahu ha musu o ambara nga 2016 ha ngo țođa mishumo ngauri o vha a si na tshenzhemo i țođeaho.

“Zwo vha zwi khaedu nga maanđa u țođa mushumo u si na tshenzhemo. Mashudu mavhuya nda țangana na Zhendedzi ła u țođa vhashumi ła Lulaway line ła khou shuma na YES, vha nnetshedza tshikhala tsha vhugudelamushumo.

YES ndingedzo yo țanganelaho ya muvhuso, vhashumi na mabindu netshedza tshenzhemo dza mushumo dzi badelaho kha vhaswa vha Afrika Tshipembe vha milioni nthihi kha miñwaha miraru i no khou đa.

Țhođisiso yo itwaho nga vhakwameaho i sumbedza

uri ñwaha muthihi wa tshenzhemo ya mushumo kha CV, na luñwalo lwa ndaedzi, zwi engedza tshikhala tsha u wana mushumo tsha muswa kararu.

Temane o đadzisa nga uri u a funa mushumo wawe, nga maanđa nga uri u a kona u thusa vhañwe vhaswa u wana mushumo sa izwi e muțođi wa vhagudelamushumo.

Musi hu tshi khou rwelwa țari YES vhaswa vha u thoma vha 100 vhane vha ɔo tholwa nga kha mbekanyamushumo iyi kha ABSA, Investec, Nectare, Sasol na Unilever vho đivhadzwa kha Muphuresidennde Vho Ramaphosa.

Muphuresidennde Vho Ramaphosa vho ri: “Ri vhone vhurangeli hovhu sa thikho ya vhuđidini ha lushaka vhu angaredzaho zwoțhe u sika zwikhala zwa vhaswa. Inwe thikho ya ndeme ndi u bveledza zwikili zwo fanelaho na vhukoni ha vhaswa.”

Vho humbela vha mabindu mațuku u ita tshipiđa tshavho

sa izwi vha na tshikhala tsha u thola nga huhulu, vha dovha vha ri mabindu mahulwane a nga si kone u thola vhaswa a oțhe lu fushaho.

U ya nga Vho Tashmia Ismail-Saville CEO wa YES, vha ri kha vhatu vha 15.5 milioni Afrika Tshipembe vha vhukale ha vhukati ha 18 na 34, vha 5.8 milioni a vha shumi.

Vho Ismail-Saville vho ri: “YES yo điimisela u netshedza tshipiđa hetsho kha vhaswa vhashu, vhane vha a fhufhiwa nga maanđa hu tshi shumiswa mimodele ya kutholele ya zwino shangoni ła shu, tshikhala tsha u thoma tsha ndeme ndi u wana tshenzhemo ya mushumo u badelaho, na ndeme ya vhudzivha”.

U đadzisa kha vhuțuțuwedzi uho kha mabindu mațuku, havho vhane vha thola vhaswa vha vharema, vha vhukale ha vhukati ha 18 na 29, vha ɔo fanela u wana Phungudzo kha Muthelo wa Vhashumi ine ya lingana R1 000 nga ñwedzi.

Vhaswa vha YES vha tea u vha:

- Vhukati ha miñwaha ya 18 na 34.
- Vha sa shumi lwa miñwedzi i fhiraho ya rathi.
- Vhatu vharema (ma-Afrika, maKhaladi kana maIndia).
- Arali Khamphani dzi tshi tama u ita mbilo dza Phungudzo ya Muthelo wa Vhashumi, vhaswa vha tea u vha vhukati ha vhukale ha 18 na 29.

## Ndi vhugai ine muswa a ɔo hola yone?

Muholo u khou lavhelelwa u vhwewa kha muholo wa fhasisa wo tewaho wa lushaka wa R3 500 nga ñwedzi, zwine zwa katela thikhedzo na pfumbudzo zwa nyanđano. Mutengo wa mbalotshikati nga ñwaha ndi R55 000. ■

U wana mañwe mafhungo kha vha dalele: [www.yes4youth.co.za](http://www.yes4youth.co.za).

# Luambo luswa lu ndilani Afrika Tshipembe

**VHARANGAPHANĐA VHA** sialala vha na mushumo muhulwane une vha u ita kha u fhața lushaka lwo vhofoholowaho kha vhushai, vhushayamushumo na tshayandinganelo.

Neo Semono

**K**helobedu lu nga vha luambo lwa tshiofisi lwa vhu 12 kha vhatu vha Afrika Tshipembe zwi tshi elana na u vhuwedzedza hafhu tshirunzi tsha vharangaphanđa vha sialala.

Muphuresidennde Vho Cyril Ramaphosa vho ita ndivhadzo heyi musu hu na vhuțambo ha u vhea Khosikadzi ya Balobedu ngei Tshitediamu tsha Mokwakwaila, Bolobedu, Ha-Modjadji ngei Limpopo.

Khelobedu ndi luambo lu ambiwaho nga lushaka lwa Balobedu hune Masalanabo Modjadji Khosikadzi Munisamvula wa Balobedu o nangwaho, a ɔo dzhia vhuimo musu a tshi swikisa miñwaha ya 18, nga murahu ha musu o vhwewa sa Khosikadzi Modjadji VII.

U ɔo pfumbudzwa u ya nga maitele na mikhwa ya Balobedu.

Muphuresidennde Vho Ramaphosa vho ri: “Hezwi



■ Muphuresidennde Vho Cyril Ramaphosa vha na Khosikadzi Munisamvula wa Balobedu o nangwaho Masalanabo Modjadji ane a ɔo dzhia vhuimo hawe musu a tshi vha na miñwaha 18, nga murahu ha musu o dzheniswa sa Khosikadzi Modjadji VII.

i tou vha tswikelo ya đivhazwakale ya vhukuma ye Mma Vho Winnie Madikizela-Mandela vha vha vha tshi ɔo đihudza ngayo. Hovhu ndi Vhukhosikadzi vhu hoțhe nahone ha u tou thoma kha shango na kha dzhango.

Muphuresidennde Vho Ramaphosa vho khwațhisedza hafhu vhuđikumedzeli ha muvhuso kha mbuedzedzo ya u țhompha na tshirunzi tsha vhurangaphanđa ha sialala.

Vhukhosikadzi ha Balobedu ho țanganedzwa lwa tshiofisi nga Țhafamuhwe 2016 nga murahu ha musu Khomishini ya Mbilo na Phambano dza

Vhurangaphanđa ha Sialala (CTLDC) yo ita țhođisiso nga ha tshiimo tsha Balobedu, u ya nga mbilo dzo swikiswaho kha CTLDC.

Muphuresidennde Vho Ramaphosa vho ri: “Muvhuso wo đikumedzela kha u vhone khonadzeo kha mbetshelo ya Ndimu 12 ya Ndayotewa, nga maanđa mbuedzedzo ya tshirunzi tsha tshimiswa tsha vhurangaphanđa ha sialala kha dimokirasi yo đisendekaho kha Ndayotewa.

Vho ri u țanganedzwa ha Vhukhosikadzi nga Afrika Tshipembe zwi sumbedza vhuđikumedzeli kha maite-

le na vhuțhogwa ha ndinganiso ya mbeu, kathihi na u țanganedza mushumo wa vhurangaphanđa we vhafumakadzi vha u ita kha masia oțhe a vhutshilo.

“Vharangaphanđa vha sialala vha na mushumo muhulwane une vha u ita kha u fhața lushaka lwo vhofoholowaho kha vhushai, vhushayamushumo na tshayandinganelo. Vharangaphanđa vhashu vha sialala vha tea u vha phanđa kha nndwa ya u vhuwedzedza pfanelo na tshirunzi tsha vhatu vhashu.”

Vho isa phanđa vha ombedzela mushumo wa ndeme wo itwaho nga vharangaphanđa vha sialala kha u vhuwedzedza shango kha vhañe vha ɔo vha vhukuma.

Muphuresidennde Vho Ramaphosa vho ri: “Vha tea u vhone uri shango ła khou vhuwedzedzwa kha avho vhe vha ła shuma na uri havho vhane shango ła khou humela khavho vha tea u kona u ła shuma.

Ngaganyo ya vhatu vha 25 milioni vhane vha dzula mahayani vha tea u zwi ita vhe fhasi ha vharangaphanđa ha vharangaphanđa vha sialala. ■

## Vha a zwi đivha?

- Balobedu vho kwamea nga 1972 musu we a vha e Khosikadzi Munisamvula Vho Makoma Modjadji vho bvuliwa maanđa, tshiimo tshavho tsha fhungudzwa tsha iswa kha vhuimo ha fhasi ha u vha Vhamusanda.
- Vhadzulapo na dzinduna vha fhasi ha vhuvhusi havho vho țanganywa na shangohaya ła Lebowa na Gazankulu zwo ralo zwa tshinyadza mvelele yo pfumaho nga maanđa na thevhekanyo ya vhuhoosi ha Khosikadzi u bva murahu kha miñwaha i fhiraho 400.